



Broj: 05-02-1-1196-3/16  
Sarajevo, 06.07.2016. godine

**PARLAMENTARNA SKUPŠTINA BOSNE I HERCEGOVINE**

**ZASTUPNIČKI DOM**  
**DOM NARODA**

**SARAJEVO**

07-07-2016			
01,02-02-1-1854	16		

**PREDMET:** Dostava Prijedloga zakona o izmjeni Zakona o sustavu  
neizravnog oporezivanja u Bosni i Hercegovini

Vijeća ministara Bosne i Hercegovine je, na 62. sjednici održanoj 29.06.2016. godine, utvrdilo Prijedloga zakona o izmjeni Zakona o sustavu neizravnog oporezivanja u Bosni i Hercegovini i zaključilo da se isti uputi Parlamentarnoj skupštini Bosne i Hercegovine u dalju proceduru.

S tim u vezi, predlažemo da se Prijedlog navedenog zakona razmatra po žurnom postupku u cilju poštivanja preuzetih ugovornih obveza i osiguranja potrebnih sredstava za uredno servisiranje po ugovorima o zajmu sa EBRD-om za dovršetak započetih projekata vezanih za izgradnju cestovne infrastrukture u Federaciji Bosne i Hercegovine i Republici Srpskoj. Naime, u sporazumima kojim se financira izgradnja cestovne infrastrukture ugovorene su klauzule kojim se Bosna i Hercegovina obvezala da će se povećati trošarina na naftne derivate što će predstavljati uvjet za efektivnost ovih kredita. Iz tog razloga, predmetni kreditni sporazumi nemogu postati operativni dok se ova obveza ne izvrši. Povećanjem trošarina osigurava se dugoročna održivost javnih poduzeća koji se bave izgradnjom cestovne infrastrukture i ublažavaju rizici po proračune entitetskih vlada.

Također, predlažemo da se ovaj Prijedlog zakona razmatra istovremeno sa Prijedlogom zakona o izmjenama i dopunama Zakona o trošarinama i Prijedlogom zakona o izmjenama i dopuni Zakona o uplatama na jedinstveni račun i raspodjeli prihoda iz razloga što su međusobno uvjetovani i trebaju stupiti na snagu i početi se primjenjivati u isto vrijeme.

Sukladno navedenom, u privitku dostavljamo Prijedloga zakona o izmjeni Zakona o sustavu neizravnog oporezivanja u Bosni i Hercegovini na bosanskom, hrvatskom i srpskom jeziku, latiničnom i ćiriličnom pismu, te printanoj i elektroničkoj formi.

S poštovanjem,

**GENERALNI TAJNIK**  
*Zvonimir Kutleša*

Nacrt

Temeljem članka IV 4. a) Ustava Bosne i Hercegovine, Parlamentarna skupština Bosne i Hercegovine, na \_\_\_\_\_ . sjednici Zastupničkog doma, održanoj \_\_\_\_\_ 2016. godine i na \_\_\_\_\_ . sjednici Doma naroda, održanoj \_\_\_\_\_ 2016.godine, usvojila je

**ZAKON  
O IZMJENI ZAKONA O SUSTAVU NEIZRAVNOG OPOREZIVANJA U BOSNI I  
HERCEGOVINI**

Članak 1.

U Zakonu o sustavu neizravnog oporezivanja u Bosni i Hercegovini („Službeni glasnik BiH“, br. 44/03, 52/04, 34/07, 4/08, 49/09 i 32/13) u članku 21. stavak (3) briše se.

Dosadašnji st. 4. i 5. postaju st. 3. i 4.

Članak 2.

Ovaj zakon stupa na snagu osmog dana od dana objave u „Službenom glasniku BiH“, a primjenjivat će se od prvog radnog dana mjeseca koji slijedi nakon njegovog stupanja na snagu.

Broj \_\_\_\_\_  
\_\_\_\_\_ 2016. godine

Predsjedatelj  
Zastupničkog doma  
Parlamentarne skupštine BiH

Predsjedatelj  
Doma naroda  
Parlamentarne skupštine BiH

## **OBRAZLOŽENJE**

### **I - USTAVNI TEMELJ**

Ustavni temelj za donošenje ovog Zakona sadržan je u članku IV 4. a). Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje zakona koji su potrebni za provedbu odluka Predsjedništva Bosne i Hercegovine ili za vršenje funkcija Parlamenta Bosne i Hercegovine po ovom Ustavu.

### **II-RAZLOZI ZA DONOŠENJE**

Razlozi za donošenje predloženog zakona su prije svega donošenje novog Zakona o trošarinama u Bosni i Hercegovini i s tim u vezi novog Zakona o uplatama na Jedinostveni račun i raspodjeli prihoda kojim se u svrhu obezbjeđenje postizanja automatizma tijeka obrade finansijskih podataka i pružanja potpore započetim projektima na poboljšanju rada Uprave u smislu još veće ažurnosti i integracije svih komponenti Informacijskog sustava UNO, isključuje uplata cestarine na poseban podračun unutar Jedinostvenog računa tj. ista se kao i svi ostali neizravni porezi uplaćuje na Jedinostveni račun UNO.

### **III- OBRAZLOŽENJE PREDLOŽENIH RJEŠENJA**

#### **Članak 1.**

Člankom 1. nacrtu zakona mijenja se članak 21. osnovnog zakona na način da se briše stavak (3) kojim je propisano da se "Cestarina u iznosu od 0,10 KM za autoceste uplaćuje se posebnim platnim nalogom na poseban podračun unutar jedinstvenog računa, a raspodjela prihoda od cestarine za autoceste se vrši po metodologiji koju propisuje Upravni odbor posebnim aktom."

Ovom izmjenom se vrši usuglašavanje s odredbama novog Zakona o uplatama na Jedinostveni račun i raspodjeli prihoda.

#### **Članak 2.**

Članak 2. sadrži završnu odredbu o stupanju na snagu ovog zakona, te je propisano da ovaj zakon stupa na snagu osmog dana od dana objave u "Službenom glasniku BiH", a da će se primjenjivati od prvog radnog dana u mjesecu koji slijedi nakon njegovog stupanja na snagu, čime je njegova primjena usklađena sa početkom primjene Zakona o izmjenama i dopunama Zakona o trošarinama u BiH i odredbama novog Zakona o uplatama na Jedinostveni račun i raspodjeli prihoda.


### **IV -FINANCIJSKA SREDSTVA**

Usvajanje predloženih izmjena ne zahtijeva izdvajanje bilo kakvih novih sredstava za provedbu ovog zakona.



Broj: 03/B-06-2-LBK-460-2/16  
Sarajevo: 04.04.2016. godine

BOSNA I HERCEGOVINA  
UPRAVA ZA INDIREKTNO  
OPOREZIVANJE  
Ul. Bana Lazarevića bb  
78 000 Banja Luka



01/11, 02<sup>ro</sup>  
05.04.2016  
P.

Predmet: Mišljenje na Prijedlog zakona o izmjeni Zakona o sistemu indirektnog oporezivanja u Bosni i Hercegovini sa *acquis*-em

Veza: Vaš akt broj 01-02-2-454-3/16 od 29.03.2016. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 103/09) i člana 6. Odluke o Direkciji za evropske integracije („Službeni glasnik BiH“, broj 41/03) Direkcija za evropske integracije daje sljedeće:

### MIŠLJENJE

Prijedlogom zakona o izmjeni Zakona o sistemu indirektnog oporezivanja u Bosni i Hercegovini u Zakonu o sistemu indirektnog oporezivanja („Službeni glasnik BiH“, br. 44/03, 52/04, 34/07, 4/08, 49/09 i 32/13) u članu 21. briše se stav 3, te dosadašnji stavovi 4. i 5. postaju stavovi 3. i 4. Predloženim izmjenama vrši se usklađivanje sa Prijedlogom zakona o izmjenama i dopunama Zakona o akcizama, te s tim u vezi i sa Prijedlogom zakona o izmjenama i dopunama Zakona o uplatama na Jedinствени račun i raspodjeli prihoda.

U konkretnom slučaju materija koja se uređuje Prijedlogom Zakona nije obuhvaćena pravnim aktima Evropske unije i spada u domaću nacionalnog prava, te stoga nije moguće dati ocjenu o usklađenosti Prijedloga zakona o izmjeni Zakona o sistemu indirektnog oporezivanja sa *acquis*-em.







Broj:01-02-1-255/16  
Sarajevo, 04.04.2016.godine  
(RŠ)

**BOSNA I HERCEGOVINA**

**-Uprava za indirektno oporezivanje-**

**BANJA LUKA**

**Ul.Bana Lazarevića b.b.**

**PREDMET:Mišljenje na Nacrt zakona o izmjeni Zakona o sistemu indirektnog oporezivanja  
u Bosni i Hercegovini**

Ured za zakonodavstvo Savjeta ministara Bosne i Hercegovine, razmotrio je **Nacrt zakona o izmjeni Zakona o sistemu indirektnog oporezivanja u Bosni i Hercegovini**, i na osnovu člana 25. stav 1. Zakona o Savjetu ministara Bosne i Hercegovine («Službeni glasnik BiH», br.30/03, 42/03, 81/06, 76/07, 94/07 i 24/08), daje

**MIŠLJENJE**

Ustavni osnov za donošenje ovog zakona, sadržan je u članu IV 4.a) Ustava Bosne i Hercegovine, prema kojem je Parlamentarna skupština nadležna za donošenje zakona potrebnih za provođenje odluka Predsjedništva ili za izvršavanje odgovornosti Skupštine po ovom Ustavu.

Uprava za indirektno oporezivanje pripremila je izmjene tri nacrt zakona i dostavila Uredu za zakonodavstvo radi davanja mišljenja, i to: Zakon o izmjenama i dopunama Zakona o trošarinama u Bosni i Hercegovini, Zakon o izmjenama i dopunama Zakona o uplatama na Jedinствени račun i raspodjeli prihoda i Zakon o izmjeni Zakona o sistemu indirektnog oporezivanja u Bosni i Hercegovini, a koji se zbog svoje provodivosti moraju razmatrati i usvajati zajedno („u paketu“).

Razlozi za donošenje predloženog zakona su donošenje novog Zakona o akcizama u Bosni i Hercegovini i novog Zakona o uplatama na Jedinствени račun i raspodjeli prihoda kojim se u svrhu obezbjeđenja postizanja automatizma toka obrade finansijskih podataka i pružanja podrške započetim projektima na poboljšanju rada Uprave u smislu još veće ažurnosti i integracije svih komponenti Informacionog sistema UIO, isključuje uplata putarine na poseban podračun u okviru Jedinственог računa tj. ista se kao i svi ostali indirektni porezi uplaćuje na Jedinствени račun UIO.

Predloženom izmjenom ovog Zakona vrši se usaglašavanje sa odredbama novog Zakona o uplatama na Jedinostveni račun i raspodjeli prihoda.

Na dostavljeni tekst Nacrta zakona o izmjeni Zakona osistemu indirektnog oporezivanja u Bosni i Hercegovini, Ured za zakonodavstvo daje slijedeće sugestije:

-iznad preambule u desnom uglu treba da stoji "Nacrt";

-u preambuli iza brojčane oznake "IV." brisati interpunkcijski znak tačku, a ispred riječi "godine" dodati "2016.";

-u članu 1. riječ "stavovi" zamijeniti skraćenicom "st.";

-na kraju teksta kod datiranja iza riječi "Broj:" brisati interpunkcijski znak dvotačku kao suvišnu, kao i riječ "Datum".

up





ZA VINO

BOSNA I HERCEGOVINA  
MINISTARSTVO FINANSIJA/  
FINANSIJA I TREZORA

БОСНА И ХЕРЦЕГОВИНА  
МИНИСТАРСТВО ФИНАНСИЈА  
И ТРЕЗОРА

BOSNIA AND HERZEGOVINA  
MINISTRY OF FINANCE  
AND TREASURY

Broj:08-02-1-3058-2/16  
Sarajevo, 06.04.2016. godine

BOSNA I HERCEGOVINA  
Uprava za indirektno oporezivanje  
Ul. Bana Lazarevića bb  
78 000 Banja Luka

Predmet: Mišljenje na Zakon o izmjenama i dopunama Zakona o akcizama u BiH, Zakon o izmjenama i dopunama Zakona o uplatama na Jedinствени račun i raspodjeli prihoda i Zakon o izmjeni Zakona o sistemu indirektnog oporezivanja u BiH, dostavlja se  
Veza: Vaš akt broj:01-02-2-454-2/16 od 29.03.2016. godine

Uprava za indirektno oporezivanje BiH je svojim aktom broji datum navedeni u vezi, u skladu sa članom 31. Poslovnika o radu Vijeća ministara BiH („Službeni glasnik BiH“ broj 22/03) dostavila zahtjev za mišljenje na Zakon o izmjenama i dopunama Zakona o akcizama u BiH, Zakon o izmjenama i dopunama Zakona o uplatama na Jedinствени račun i raspodjeli prihoda i Zakon o izmjeni Zakona o sistemu indirektnog oporezivanja u BiH. Razmatrajući vaš zahtjev a na osnovu člana 31. Poslovnika o radu Vijeća ministara BiH („Službeni glasnik BiH“ broj 22/03) Ministarstvo finansija i trezora BiH daje s l i j e d e e:

#### MIŠLJENJE

1. Uprava za indirektno oporezivanje BiH je po inicijativama Vlade F BiH i Vlade RS-a, usvojenim od strane Upravnog odbora Uprave, sačinila prijedlog izmjena i dopuna Zakona o izmjenama i dopunama Zakona o akcizama u BiH, Zakona o izmjenama i dopunama Zakona o uplatama na Jedinствени račun i raspodjeli prihoda i Zakona o izmjeni Zakona o sistemu indirektnog oporezivanja u BiH,
2. Izmjenama i dopunama navedenih Zakona se predlaže povećanje akciza na akcizne proizvode (naftni derivati, bezalkoholna pića i pivo i alkohol, alkoholna pića i voćna prirodna rakija),
3. Povećanjem akciza se predlaže kroz izmjenu ovih Zakona, koji se moraju razmatrati u paketu, u cilju obezbjeđenja dodatnih sredstava za izgradnju autoputeva u BiH i finansiranje zdravstvene zaštite stanovništva u BiH a što je predviđeno u Reformskoj agendi za BiH,
4. Uz dostavljene prijedloge izmjena i dopuna Zakona dato je obrazloženje gdje je naveden pravni osnov, razlozi za donošenje, obrazloženje predloženih rješenja i konstatacija da za sprovođenje istih neće iziskivati posebna finansijska sredstva odnosno finansijski efekti primjene izmjene ovih Zakona,
5. Razmatrajući prijedloge izmjena i dopuna Zakona i dato obrazloženje Ministarstvo finansija i trezora BiH konstatuje da je saglasno sa predloženim izmjenama i u skladu s tim daje pozitivno mišljenje.

S poštovanjem,

